

Baithuti, Badiri le Baithuti ba pele ba ba rategang

Ke lo kwalela ka nako ya ketsaetsego, ka fa letsogong le lengwe go tlhakathakano e e bakwang ke dikhuduego tsa badiri tse di sa tlwaelegang tse di bakang dikgoreletso tse di boitshegang tsa tiro le go senya thata tebego, seriti le serodumo sa setheo seno se segolo, Yunibesithi ya naga, mme ka fa go je lengwe, maitlamo a a boitshegang a ba bangwe malebana le tsewetso le katlego ya setheo sa Unisa fa go ntse go samaganwe le dintlha tse go ganetsanwang ka tsona.

Ke lemoga ka botlalo gore bontsi jwa lona bo ntse bo ikemiseditse e bile bo batla go ya kwa dikhemphaseng tse di farologaneng go diragatsa tiro ya lona ya go direla baamegi ba rona, bogolo segolo baithuti ba rona, fela le thibelwa go dira jalo ke go nna teng ga badiramongo ba ba mabifi kwa matsenong le kwa ditseleng tse di lebisang kwa go dingwe tsa dikhemphase tsa rona, bogolo segolo dikhemphase tsa Pretoria le Florida.

Seemo se etegeditswe ke maemo a a maswe a a tsweleng a go thiba ditsela le mafelo a go tsena ka matlakala le dikala tsa ditlhare, go fisiwa ga mathaere, le go latlhelwa ga dilo se di tlabang mo ditseleng gammogo le go tshosetsa go go sa fitlhiweng.

Le gale ke amegile thata ka ntlha ya dipegelo le go lemoga gore, le fa go ntse jaana, go na le Maunisa a a tsweleng go bona ditsela tsa go netefatsa gore ditirelo tsa botlhokwa tse di tlamelwang ke yunibesithi di tswelela pele ntle le kgoreletsego.

Jaaka le itse, Labotlhano o o fetileng e ne e le letsatsi la ntlha la paka ya ditlathobho tsa semesetara sa ntlha sa 2022. Ke ne ke itumetse tota go amogela pegelo ya gore letsatsi la ntlha le tsamaile sentle le gore tsotlhe di apere tshiamo malebana le ditlathobho tsotlhe tsa semesetara sa ntlha. Ke netefaditswe gape gore mo maemong a a sa solofelweng a go ka nnang le dikgwetlho mo go ona, ditlhopha tse di tlhomilweng go tsamaisa ditlathobho di tlaa kgona go di supa le go tsereganya ka ponyo ya leitlho.

Go ne go itumedisa gape go itse gore le fa go na le dipegelo tsa maaka tse di phatlhaladiwang, Dikopo tsa mo Maranyaneng tsa Semesetara, tse di buletsweng ka Labobedi, 10 Motsheganong 2022, di tsamaya sentle. Legato leno la go dira dikopo, le le buletsweng fela borutegi jo bo rileng mo magatong a Pele ga Kalogo, Onase, le Dipoloma ya Morago ga Kalogo, le tlaa tswalelwa ka 31 Motsheganong 2022.

Mo boemong jwa Botsamaisikhuduthamaga le setšhaba sotlhe sa yunibesithi, ke romela malebo a a tswang kwa botenye jwa dipelo tsa rona go badiramongo ba ba mo sebakeng seno, ba ba tsweleng go emela letshwaokgwebo la yunibesithi ka maitlamo le botswapelo, le fa go ntse go na le dikgwetlho tse di gona mo tikologong.

Malebo a a tswang kwa botenye jwa pelo go badiramongo botlhe ba ba mo mafelong a a farologaneng ba ba tsweleng go dira tiro ya bona, le fa e le mo maemong a a boima.

Tsweetswee, itseng gonre re sa ntse re itlamile go tswetsa ditherisano tse di rulaganeng le tse di mo molaong le badiramongo ka rona ba ba tswetseng ka dikhuduego tsa badiri gore go ungwelwe tswelelopele ya lenaneo la Thuto, dintlatho tsa Ubuntu, go se tseye letlhakore le Tshiamo ya loago. Le gale, re rata go tlhagisa gore jaaka Botsamaisi gore Diyunibesithi ke ditheo tsa loago tse thomo ya tsona e leng go tlhagisa baithuti ba e leng Matlhale a a direlang setšhaba mme e le moko wa diphetogo tsa polotikiloago le ikonomi ka tlhagiso le phatlhalatso ya kitso. Seno ke pitso le thomo e Unisa e ka se keng ya e tlogela. Ka jalo re kopa badiramongo ba ba ngongoregang/dirang ditshupetso go dira jalo go ya ka dipholisi tsa Yunibesithi le melao ya naga, e, gareng ga tse dingwe, e sa amogeleng tirisodikgoka, go tshosediwa ga badiri le baithuti le/gongwe maitsholo a bosenyi. Re itlama go tswetsa dipuisano go bona tharabololo ya dikhuduego tse di tsweleng tsa badiri.

Go lona lotlhe ba le tswetseng go tshegetsatsa lenaneo la Thuto, re rata go lemoga le go akgola ditiro tsa lona tse di molemo. Re a le bona. Re leboga thata jaaka le dira gore folaga ya Unisa e tswelole go phaphasela mo nakong eno e e boima.

Le dira sentle mme tswelolang fela jalo.

Madume

***Mop Puleng LenkaBula***

***Mogoko le Motlatsamotšhanselara***